


ԱՌԱՋԻՆ
ՏԵՐԻ

ԵՄԻՆ

ԱՌԱՋԻՆ
ՏԵՐԻ



ԱՋԳԱՅԻՆ, ԴՐԱԿԱՆԱԿԱՆ ԵՒ ՔԱՂԱՔԱԿԱՆ ԴԱՐԱՆԱԹԵՐԻ

«ԵՄԻՆ» ԼՈՅՍԷ ՏԵՄԵՆՈՒՍ ՏԱՐԵԿԱՆ ԾՈ ՀԱՄԱՐ ԶԱՐԱԹ ՕՐԵՐԸ

«ԵՄԻՆ» Տարեկան գինը 10 դրամ, կէս տարեկանը 6 դրամ: Առանձին | «ԵՄԻՆ» խմբագրութիւնը քաղ է առաւօտեան 8—4 ժամը: Կիրակի
համարները 5 շաբաթ: Արտասահմանում տարեկան 8 ֆրանկ կամ 3 րուբլ, | եւ տօն օրերը 10—2 ժամը: Յայտարարութիւն ընդունում է ամեն
կէս տարեկան 5 ֆր. կամ 2 րուբլ: Թղթում գրում են միմիայն, | լեզուով: Յայտարարութիւնների համար վճարում են իւրաքանչիւր ք:տիւն
խմբագրատան մէջ: Մեր հասցէն. Tchéran Rédaction CHAVIGH. | 1 շահի:

ԲՈՎԱՆԳԱԿՈՒԹԻՒՆ

Պարզեցւելի նոր կանոնագրութիւնը.— ՆԵՐ-
ԲԻՆ ՏԵՄԵՆՈՒՍԻՆ. Նամակ Ռաշտից. Նամակ
խմբագրութեան. Ներքին լուրեր.— ԱՐՏԱՔԻՆ ՏԵ-
ՍՈՒԹԻՒՆ. Արտաքին լուրեր.— Բանասիրական.
Փայտակարան կամ Ղարաղալ գաւառը.— Յայտա-
րարութիւններ:

ՊԱՐՍԱԿԱՆԱՅԻՆԻ ՆՈՐ ԿԱՆՈՆԱԳՐՈՒԹԻՒՆԸ

«Մշակ» լրագիրը խօսելով այն կանո-
նագրութեան մասին, որ Թէհրանի Ազ-
գային Ուսումնասիրաց ընկերութիւնը
գիմելով Վեհափառ Կաթողիկոսին
խնդրել էր պարսկահայերի հաստատու-
թեանց համար հետեւեալ արգարացի դի-
տողութիւնն է անում:

«Ամեն մի կանոնագրութիւն կարող է
արմատ ունենալ մի ժողովրդի մէջ միայն
այն ժամանակ, երբ իւր աղբիւրը վեր է
առել նոյն այդ ժողովրդից, երբ այդ կա-
նոնագրութիւնը արդիւնք է այն պայ-
մանների ուսումնասիրութեան, որոնց
մէջ գտնուում է այդ ժողովուրդը, և կա-
րող է դեռ չը դորձադրուած ցամաքել,
եթէ նա արդիւնք է կարեւորագոյն աշ-
խատանքի»:

«Մշակ» յայտնած այդ գաղափարը
թէ կանոնագրութիւնն պէտք է տեղա-
կան պայմանների լուրջ նկատառութեան

արդիւնք լինի, վերին աստիճանի ճիշդ է,
միայն թէ «Մշակ» սխալուած է այն բա-
նի մէջ որ կարծում է թէ «Շաւիղ»
սպասում է որ այդ բոլորը խմբագրուի
Էջմիածնի մէջ, առանց երբեք նկատ-
դութեան առնելու տեղացիների ձայնը:
Ի հարկէ այդ կանոնագրութիւնը
վերջ ի վերջոյ խմբագրութեան է Էջմիա-
ծնի մէջ, բայց երբ արդէն խնդիրը նա-
խապէս լուսաբանուած լինի. երբ արդէն
Պարսկաստանի զանազան կողմերից այդ
կանոնագրութեան նախագիծներ ներ-
կայացուած կը լինին: Խօսելով կրթական
հարցի մասին, որ այդ կանոնագրութեան
մէջ ամենալայն տեղն է բռնելու, «Շա-
ւիղ» յայտնած է իւր № 19-ի մէջ հե-
տեւեալ գաղափարը:

«Մենք չենք կարող անփոփոխ կեր-
պով ընդունել ուսուսհայ ուսումնարան-
ների ծրագիրը, տեղական հանգամանք-
ներ կան ի նկատի առնելու: Այնու ա-
մենայնիւ քիչ փոփոխութեամբ այդ ծր-
ագիրը պէտք է յարմարեցնել մեր ու-
սումնարաններին: Այս ծրագրի կազմու-
թիւնը Վեհափառ Կաթողիկոսը կա-
րող էր յանձնել Ուսումնական Յանձնա-
ժողովին, որը գիմելով բոլոր պարսկա-
հայ ուսումնարաններին՝ կարող էր պա-

հանջել նորանցից ծրագրի նախագիծներ,
այդ նախագիծների մէջ արդէն նկատելի
կը լինէին տեղական հանգամանքների
պահանջած փոփոխումները, որից յետոյ
ուսումնական Յանձնաժողովը կարող էր
գծել մեզ համար միօրինակ ծրագիր և
ենթարկել Վեհափառ Կաթողիկոսի
հաստատութեանը»:

«Մշակ» լրագրի խմբագրութիւնը
կարող է նկատել այդ տողերից որ մենք
հեռու էինք պահանջելուց՝ որ այդ բո-
լորը խմբագրուի Էջմիածնում, մի խու-
ցի չորս պատերի մէջ. բայց, նկատելով
այն հանգամանքը որ կարող են միմեան-
ցից անհունապէս տարբերուող նախա-
գիծներ ներկայացուիլ, «Շաւիղ» մտա-
ծում է որ վերջնական խմբագրութիւնը
պէտք է կատարուի Էջմիածնում, մի
ձեռնհաս Յանձնաժողովի ձեռքով:

Արդ՝ «Մշակ» հետեւեալ կարծիքն
է յայտնում այդ կանոնագրութեան խմբ-
ագրութեան մասին:

«Մեր կարծիքով ամենագործիական
միջոցն է՝ առաջարկել պարսկահայերի
երկու թեմական առաջնորդներին, որ
նորանք հայ ազգաբնակչութեան պատ-
գումաւորների և ներկայացուցիչների մաս-
նակցութեամբ մի յանձնաժողով կազմեն

ԲԱՆԱՍԻՐԱԿԱՆ

ՓԱՅՏԱԿԱՐԱՆ ԿԱՄ ՂԱՐԱԳԱԼ

(Տարեկանութիւն 28-րդ թուից)

Խանդավառ երեք կողմից շրջապատուած է ապա-
ռածներով, որոնց իւրաքանչիւրի միջով մի մի անցը
կայ, իսկ հարաւային կողմից անցնում է մի գի-
տակ խոր ծորի միջով, որից անցնելով պէտք է
բարձրանալ գիւղը. Խանդավառ իւր այս դիրքով
մի քարաբերդի է նմանում: Այս անմատչելի գիւղը
նշանաւոր անցելով է ունեցած: Մերերի պատմելով
Փայտակարանի ժայռաբնակ հերոսները այդ խորհի-
րի մէջ օսմանցուց և հին խաների շատ զորքերն
են ջարդած Դրանց միջիցների տաղանդաւորներ,
որոց մէջ նշանաւոր տեղ են բռնել, Մելիք Ազա-
րիայի որդին Քառ-Երէցը: Սամի քահանայ է եղել,
որի անունը անյայտ է, միայն ականջները խուլ լի-
նելով կոչուած է եղել Քառ-Երէց, իսկ իւր քաջու-
համբ ժառանգել է Ազադաւոր քեշիշ (Մարդակեր

քահանայ) անունը: Սրանից յետոյ քաջութեամբ նը-
շանաւոր էր, իւր թռն Մէլիք Ազարիայ ք.: Սո-
րան յաջորդում է եղբոր որդին Մելիք Բարան, որ
այնքան խելօր է եղել, որ այժմ էլ զարադաշտի
խելօր խօսողին ասում են «Մելիք Բարայի է խօ-
սում»:

Տիգրան գաւառակի իշխանութիւնը վերաբերում
էր այս մելիքներին, որոնք ունէին և շատ սեպ.
հազան կալուածներ ու գիւղեր, սակայն Մելիք Բա-
րայի մահուամբ կորչում է թէ իշխանութիւնը և թէ
կալուածները: Այս ցեղը այժմ էլ կոչւում է Քառ-
երէցիներ: Խանդավառ մեծամասնութիւնը այս ցե-
ղիցն է, մի քանիսն էլ դուրս են եկել և ուրիշ
քաղաքներ ևն գնացել, որոց մէջ նշանաւոր է Թի-
խում Ալէքսանդր Մելիք Ազարիանը:

Խանդավառ ունի 100 տուն, Ղարաղալի ամա-
նանշանաւոր գիւղն է, թէ հնուցեամբ, թէ մեծու-
թեամբ, թէ կրթութեամբ և թէ ուրիշ կողմերով:

Ունին մի քարաշէն եկեղեցի, որ բաւականաչափ
լաւ և աւելի կոկիկ է քան թէ միւսները, ունի

վերնատուն յատուկ կանանց համար: Սեղանը, մը-
կրտուկեան աւազանը լաւ կարգին են: Յիւղեցու
մօտ շինուած է մի վարժարան, Խանդավառ ի նախ-
նուց Ղարաղալի կրթարանն է եղած, այստեղ մշտ
վարժատուն կը լինէր և ամեն գիւղերից հայ մա-
նուկները այստեղ դալով կուսանէին և տիրացուներ
կը պատրաստուէին միւս գիւղերի համար:

Վերջին տարիներս Կովկասից մի ուսուցիչ էին
բերած այս գիւղը, որը մանուկներին ուսուցանում
էր նոր ծիւղով. քառադրբերը այլ ևս սաղմոս ու
ժամագիրք չէին: Չորս տարի ուսուցիչը մնալուց
յետ, թողեց Խանդավառ ու գնաց. գիւղացիք ուսու-
ցիչ ծառել չը կարողանալով 2 տարի մնացին տ-
նանց ուսուցչի. այժմ դերասպաութեան Սուրիաս սրբա-
ղանք մի ուսուցիչ է ուղարկած Խանդավառ:

Խանդավառից գնացի Ղուլիգի, որ երեք ժամուայ
ձանապարհ է: Ղուլիգին ընկած է մայր Նրասիի
հովտում, մի փոքրիկ ծորակի մէջ, երեք կողմից
բարձրացած են լեռներ իսկ մի կողմից Նրասիի
կայն հովիտն է:

որին և յանձնեն նոր կանոնադրութեան խմբագրութիւնը և մշակումը և ապա այն կանոնադրութիւնը առաջարկեն Էջմիածնի հոգևոր իշխանութեան հաստատութեան:

Այս ձևի որչափ գործնական և գործադրելի լինելու մասին՝ մենք յաջորդ թուով կը խօսինք:

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԻՍՏԵՏԻՑ

22 օգոստոսի 1894

Լոյս ուրբաթ գիշեր ամսոյ՝ 19 ինչնորհունակ Սահակ վարդապետ Այվատեանը ժամանեց Ռաշտ:

Վարդապետի գալը մեծ ուրախութիւն պատճառեց ռաշտեցիներին, որոնք ներկայացան իրանց հոգևոր հովուին, հասնելուց մի քանի ժամ յետոյ, հայր սուրբը սիրալիւր կերպով ընդունում էր բոլորին, առանձին առանձին հարցնելով իւրաքանչիւրի պարագմունքը, կցելով իւր հայրական խրատները:

Նա նոյնպէս, բարեհաճեց հետաքրքրուիլ տեղական ազգային գործերով, որը գտաւ բաւական ցաւալի դրութեան մէջ, մանաւանդ երկուստեք զպրոցների հարցը:

Խնդիրը նորանում է որ այդ դպրոցը մի դասեան դպրոց լինելով ոչ մի արդիւնք չէ տուել մինչև այսօր և չէ կարող տալ եթէ այդ դրութեան մէջ մնայ նոյն իսկ տասնեակ տարիներ, և այդ էր որ հրաւիրեց հայր սուրբի ուշադրութիւնը:

Ինչ նշանակութիւն ունի, ասում էր հայր սուրբը, որ ռաշտեցիք տարեկան 600 թուման ծախսում են, և ոչ մի օգուտ չեն քաղում, մի դասեան դպրոցը չէ կարող աշակերտներ պատրաստել, նոյն իսկ տեղական կեանքի հանգամանքներին պիտանի լինելու համար, բայց եթէ այդ 600 թումանի վերայ նոյնքան

էլ աւելացնէք, այն ժամանակ, ձեր դըպրոցը կունենայ աւելի դասարաններ, որով կը պատրաստուի նոր զարգացած սերունդ:

Մի քանիսը, աւելացրեց հայր սուրբը, իրանց որդիքը ուղարկում են Եւրոպայ կամ Ռուսաստան բարձր կրթութիւն ստանալու և աստեկան առնուազը 500 ռուբլի ծախսում են ամեն մէկի վերայ, միթէ լաւ չէր լինի որ իրանց քաղաքի դպրոցին նորա կէսը կամ քառորդը տալին որ թէ իրանց որդին կուսանի, և թէ դպրոցը կը բարեկարգուի, և իրանց արիւնակից չքաւոր եղբայրների որդիները կը սովորեն:

Հայր սուրբը երկար ու բարակ բացատրեց, զպրոցի անհրաժեշտութիւնը և թէ խրատում էր որ անմիջապէս այդ խնդիրը ռաշտեցիների մտածելու առարկան լինի:

Ներկաներից փափագ արտայայտուեց որ հայր սուրբը ինքը բարեհաճէ մնալ Ռաշտ մի ժամանակ և իւր ներկայութեան ժամանակ կարգադրել այդ խնդիրները:

Հայր սուրբը ցաւելով յայտնեց, որ իւր ներկայութիւնը թեմում օր աւուր սպասւում է հետեւաբար գծուար է իւր գնալը լետաձգել, մանաւանդ որ ինքը գեռ ևս իւր պաշտօնը չէ ստանձնել:

Վերջապէս ներկայ եղողների ստիպմամբ վարդապետը զիջանք մի քանի օր մնալ:

Վարդապետը մտադիր է գլխաւորապէս դպրոցի խնդիրը ուշադրութեան առնել, և ենթարկել մի քանի բարեփոխումների. միայն ոչ պաշտօնապէս:

Ժողովը այսօր պէտք է կայանայ թէ ինչ արդիւնք կունենայ իւր ժամանակին կը հաջորդեն:

Հայր սուրբը կիրակի օրը ամսոյ 21-ին եկեղեցում մի ազդու քարոզ խօսեց, ե-

Ղուլիդին ունի 20 տուն. բոլորովին անկիրթ. Տիգրանում այս ամենամանկիրթ գիւղն է Թէ քուռ-Թեամբ. Թէ կրթութեամբ եւ Թէ այլ կողմերով: Սուքա եւս ունին մի փայտէ անշուք կիկիցի:

Այստեղից մայր Արաքսի ափերով ճանապարհուկեցայ դէպի Շաւի և երիք ժամուրը հասաւ այնտեղ:

Շաւին էլ ընկած է մի սաստիկ խոր ձորի մէջ որի երեք կողմերը ժայռեր են իսկ մի կողմը խոր անդունդը: Արեգակի ճառագայթները այստեղ հասնում են դէս օրին 2 ժամ մնացած եւ նոյնչափ էլ անցած անհետանում են եւ անմիջապէս տիրում է մութը:

Շատ դժուար է փողոցներով քայլել եւ եթէ մէկի ոտքը յանկարծ սահի քարերի վերայ խոր անդունդի մէջը պէտք է կանգնէ:

Այս գիւղը ունի 15 տուն որոնք պարսպաւում են երկրագործութեամբ. ունին եւ մի կիկիցի, ուսումնարան ոչ:

Օրը ամպամած էր, երբ եւս դուրս եկայ Շաւ-

լինից: Լեռան ստորոտից զազամը պէտք է քարծրա-հայի, 3 վերստ տարածութիւնը հազիւ կարողացանք 3 ժամուրը վերջացնել. եւ երբէք քայլել չէի կարողանում, ուղեկիցս Թեւիցս բռնելով հազիւ կարողացայ առաջ գնալ, մարդու ոտքը սահելով գլորւում ու ցած էր գնում. մենք անպատմելի դժուարութեամբ լեռան զազամը հասանք, որին ասում են «Ղարա-հօխը» (Սեւ լանջ). այստեղից երևում է ամբողջ Տիգրանի գաւառակը. բայց Վասպից ծովից երասի գետի վրայով մշուշը եկել պատել էր ամբողջ Ղարադաղը. ամեն տեղ սեւացած էր և ոչ մի տեղ չէր երևում. հէնց այս է պատճառը, որ Փայտակարանին ասում են Ղարադաղ (Սեւ լեռ):

Մենք հասանք նորաշէն:

Գիւղը հասնելուց մութը կոխել էր. սեւ երես մշուշը գեռ պատած էր ամբողջ Ղարադաղը՝ եւ անծրելում էր:

Վէս գիշերին անծրելը կտրուեց. քամին բարձրացաւ եւ մշուշները քշելով անհետացրեց:

Նորաշէնը Տիգրանում ամենանշանաւոր տեղն է

կեղեցում գտնուող փոքրաթիւ ժողովուրդը լսում էր ամենայն համակրութեամբ:

Joseph

ՆԱՄԱԿ ԻՍՏԵՏԻՑ

Ռաշտ 18 օգոստոսի 1894

Յօգուտ Ռաշտի օրիորդական դպրոցի վարչութեան ձեռնարկած վիճակախաղի, զանազան տոմաստէրերը գիմում են մեզ հարցնելով, թէ երբ կը ձգուի վիճակախաղը:

Անկարելի լինելով մեզ, առանձին առանձին պատասխանել բոլորին, վարչութիւնը խնդրում է, յարգելի խմբագրութիւնից, որ թոյլ տաք ձեր պատուական լրագրի միջոցաւ յայտնել, թէ Ռաշտի և թէ օտար քաղաքներում գտնուող տոմաստէրերին, որ վիճակախաղի ժամանակը, անորոշ է, քանի որ տոմսակների համարեայ մէկ երրորդը մնում է գեռ անվաճառ:

Վիճակախաղը ձգուելուց յետոյ, «Շուկիդ» միջոցաւ կը յայտարարուի:

Վարչութիւն Ռաշտի Ընթերցասիրաց ընկերութեան պաշտօնակառուար նախագահ՝ Ա. Յովսէփեան
Գանձապահ՝ Առաքել Մարգարեան

ՆԵՐՔԻՆ ԼՈՒՐԵՐ

Երկուշաբթի, օգոստոս 29, գերապատիւ Սահակ ծայրագոյն վարդապետ Այվատեան, Պարսկաստանի և Հնդկաստանի թեմի փոխանորդը, ժամանեց թէհրան: Ընկերանում էին բաւական թուով հայեր, որոնք գիմաւորել էին նորին գերապատուութեան: Հայր սուրբը ուղղակի գիմեց ս. Գեորգ եկեղեցին, և աղօթելուց յետոյ, գնաց իւր համար պատրաստուած բնակարանը:

ԳԵՐԱՊԱՏՈՒԼ ՍԱՀԱԿ ԾԱՅՐԱԳՈՅՆ ՎԱՐ-

բնում, իւր բարձր դիրքովը, օդ ու ջրովը: Գիւղը ընկած է լեռան լանջի վերայ գտնուած փոքրիկ տափարակ տեղում. գիւղի միջից երևում են հիւնալի տեսարաններ, սարեր, ձորեր, դաշտեր, անտառներ, որոնք իրանց զարնանային բազմաթիւ ծաղիկներովը հիացնում են մարդուն, գիւղի մօտերից հասում են սառն աղբիւրակներ, որոնցով ջրում են իրանց բուսականները:

Նորաշէնը ունի 35 տուն, որոնք պարսպաւում են նոյնպէս երկրագործութեամբ եւ պանդխտութեամբ ինչպէս միւս գիւղերը. այս գիւղի կալուածը պատկանում է Դավիթի Արամեան դպրոցին: Ցտարի առաջ այստեղ բնակւում էին լեռնական բըրդեր, որոնք շատ նեղացնում էին խեղճ հայերին եւ ամենեւին արդիւնք ցոյց չէին տալիս: Բայց այժմ շնորհիւ երջանկայիշատակ Միխայիլեան սրբադասին բոլոր Թուրքերը դուրս են գնացած գիւղից եւ նոցա տեղ հայերը եկել բնակւում են:

Հանգուցեալ Ստեփանոս Միխայիլեան սրբազանը երբ Դավիթ եկաւ, նորա ատաղձի գործն այդ եղաւ:

գապետ Ալվատեանը վաղը, կիւրակի, ս. Գեորգ եկեղեցու մէջ կարգալու է Հայրապետական Կոնգրէսը և քարոզ է խօսելու:

Երեքշաբթի, 4-ին, Միւրճովի անունով սերբիացի պաշտօնակալը որ ծառայող էր պարսկական բանակին, մի ամսուայ հիւանդութիւնէն յետոյ մեռնում է: Հանգուցեալի կինը, իւր մօտից հեռացնելով ծառային և ուրիշներին, անձնապաշտ է լինում մի ռեվոլվէր պարպելով իւր ականջի մէջ:

Սեպտեմբեր 1-ին Հայկազեան մարտարանը բացուեցաւ:

Մեզ գրում են Դավրէժից որ, «Խընայողական զինվորական» բաժանորդներ թիւք մինչև օգոստոս 15-ը Հասնում էր 10115-ի: Ընկերութիւնը իւր վերջին ժողովումը վճռել է չոր մըրգերի առուստուր սկսել:

1894 թիւ յունվար 1-ից մինչև յունիս 20 Դավրէժում ուսաց հիւպատոսարանից դուրս է տրուած դէպի Ռուսաստան 13000 անցագիր, Զուլֆայի, Աստարայի, Խուզա-Աֆէրինի և Ծահթաթի վրայով:

Դավրէժից մեզ գրում են հետևեալ լուրը: Մեզ մօտ այս ամառ օդը անցաւ շատ զով, բայց վերջերս սկսել է մի քիչ տաք անել: Ամեն ամառացւոյ վերայ չը նայելով բերքերի առատութեան՝ այստայի ամեն բան առանց բացառութեան ձորոշ տոկոսով թանկացել է: Հնցի լիտը արժէ 3 արասի, մսի լիտը 12 արագի, իւղի լիտը (կարագ) 11 դոան, փայտի խալկարը (100 լիտր) 22 դոան. վա-

Դորանից յետոյ գնեց մօտակայ գիւղերը Օղա, Զիւժ, Ռաշու և Զեակու, վերջինս անքնակ է: Եւ բոլորը պահեց իւր իշխանութեան ներքոյ, եւ այդ գիւղերը մինչև սրբազանի մահը իսողաղ ի հանդարտ կեանք էին վայելում: Բացի սորանցից միւս գիւղերայն էլ ազատեց թուրք բէկերի նեղութիւններից եւ իւր կողմից կառավարիչներ նշանակեց, զիստադարպէս հոգեւորականներից: Հարեւան թուրք գիւղերից շատերը տեսնելով հայոց խաղաղ վիճակը, նրանք եւս սրբազանին դիմեցին, որ իրանց էլ ազատէ բէկերի ձեռքից, սրբազանը ուրանց եւս ձեռք կառկառեց եւ ոմանց իւր իշխանութեան տակ առաւ: Այսպիսով շատ գործերով ս. Միքիմարեանը մեծ հոշակ էր ստացել Դարաղաղում, ինչպէս ուրիշ տեղեր, եւ նորան կոչում էին մեծ Խալիֆայ: Նորա մի նամակը անբաղդ զարադազու սրտին միջնորդութիւն էր տալիս: Սովորութիւն էր դարձած, երբ սրբազանի նամակը կը գար (կարմիր գլխով ցնթեալ) դիւղացիները կը կոչէին «Կէնա կրմիր փիշաղ կեալով, կիօրապան նափար ի յինգայ»:

Սրբազանի մահից յետոյ թուրք խաները զլուխ

ճառակաճեքը արդէն սկսել են լավալ (չոր ծիրան) առնել որի լիտը արժէ 12 արագի, իսկ ֆիլ շուշի լիտը 11 դոան: Բարաթը քանի գնում է թանգանգում է օգոստոս 13-ին պարսկական մէկ թուանքի փոխում էին Ռուսական 1 ր. 94 կոպէկով: Արժաթ դրամի սով է այժմ Դավրէժում, զառաքեալների մէկ ամիս փակ լինելու (մուհտրեմի) պատճառով:

Դավրէժից մեզ գրում են, որ օգոստոս 20-ին Բերդաթաղի Ղաթրադան փողոցում պարսիկ աւագանները բարձրանալով Յարութիւն Աղաբէգեանցի տան կտուրը, որը քնած է եղել իւր կնոջ հետ սպանել են և փախել: Յարութիւն Աղաբէգեանը մի համեստ բնակորութեան տէր մարդ էր և արհեստով խոհարար, ասում են որ սպանողները եկած են եղել նախկին կենողին սպանելու, որի տեղափոխուելը աւագաններին յայտնի չէ եղել: սպանողներից մէկը արդէն ձեռքակալուած է, յոյս կայ որ միւսներն էլ շուտով ձեռքակալուին, Յարութիւնի կնոջ ասելով, աւագանները եղել են հինգ հոգի, որոնցից միայն մէկն է բարձրացած եղել կտուրը: Աւագանները տարել են միայն Յարութիւնի շորերը և ուրիշ ոչինչ:

Խոյից մեզ հաղորդում են հետևեալ: Այս օրերումս վանեցի երեք մշակներ, որոնք գտնուում էին Բագու, վերադառնալիս երբ անցնում են Երասխը, վարձում են Գարագեատցի մի ձիապանի որ իրանց հասցնէ Սալմաստ, բայց ձիապանը փոխանակ Սալմաստ տանելու տանում է մի այլ գիւղ և իրանց ունեցած փողերի մի մասը առնում ու բաց թողնում: Իրանց ունեցածները ստիպուած իրանք շալակած կուգեն մի կերպ հասնել Սալ-

մաստ: Ինչ որ քարծրացած, հայոց իրաւունքները կորստելու վերայ էին: Յուսով ենք որ ներկայ Ստորագրագրան էլ նոյն դիրքը պէտք է բռնէ թուրք խաների դէմ:

Լոյսը բացուեց. ամպերը այլեւս չէին երևում, արեւի ճառագայթները տարացնում էին բնութեան արարածներին. ցօղը դեռ վեր չէր կացած, անմրեւից գոյացած ցիխի պատճառով գիւղացին ոչ արտը եւ ոչ էլ անտառը չէր կարող մտնել: Այլ օրը բոլորը յանգրած էին մնացել, բացի տաւարած ու խաշնարածներից, որոնք առաւօտեան շուտով կանգնած բարձր կտուրի վերայ դռում էին. «Դէ հա շուտ րեցէր. տաւարը կենցաղն դուրս րեցէր ետքը ընկալ»:

Տաւարածներն ու խաշնարածները դուրս ֆիան գիւղից:

Գիւղի վերի մասում մի տան առաջ կայ մի հորապարակ, որի մէջ տեղը կայ մի մեծ ուռնի ծառ. ծառի չորս կողմը շարած էին մեծ մեծ տափարակ քարեր, որոնք ծառայում են նստարանի տեղ մի եւ նոյն ծառի տակից քրիտում է մի սառնորն աղբւր: Այս ծառը գիւղի քահանային էր

մոտ, բայց կրկին մի քանի ձիապաններ պահանջեցին զուրս գալով կառնեն մնացած փողերը ու շորերը: Այժմ եկած այստեղ գանգատել են իրանց հիւպատոսին, որը բերել տուել ու պահանջում է ձիապաններից:

ԱՐՏԱՔԻՆ ՏԵՍՈՒԹԻՒՆ ԱՐՏԱՔԻՆ ԼՈՒՐԵՐ

Կ. Պօլսի երկրաշարժից վնասներին նըպաստեալ համար սկսուել է թէ թուրքիայում և թէ Եւրոպայում դրամական հանգանակութիւն և այդ առիթով կազմուել են նպաստող յանձնաժողովներ զանազան տեղերում: Լօնդոնի յորդ-քաղաքապետը հանգանակել է 12,000 րուբլի, սուլթանի նախագահութեան ներքոյ Պօլսում կազմուած յանձնաժողովը ժողովել է 1,786,359 ղուրուշ. այդ յանձնաժողովի համար յատուկ կանոնագիր է հրատարակուած և մինչև անգամ սուլթանը հաստատել է մի նոր շքաբարձ «Համիլէթ վէ Էպնայի ճինսինէ մուափէնէթ» (բարեբարութիւն և իւր համասեռին օգնութիւն) անունով և այդ շքաբարձին սակի մէղալը պէտք է տրուի նպաստ տուող թագաւորներին և իշխանազուններին: Չմիւռնիայի արգաքանակութիւնը ժողովել է իւր մէջ 10,000 րուբլի, իսկ հարուստներից մինը, պ. Նակէլմաքէրս նուիրել է 30,000 րուբլի: Յունաց պատրիարքը գրել է մի շրջաբերական բոլոր յունական թեմերին, որ հանգանակեն 50,000 րուբլի Հայքի աստուածաբանական փարժարանը վերաշինելու համար: Նուէրներ լինում են և մթերքներով:

Մեզ հեռագրում են Երևանից, օգոստոսի 5-ից, «Պրօֆէսօր Արծրունին այսօր ուղեւորուում է դէպի Արարատը,

պատկանում:

Մնացեալ գիւղացիք, ծեր ու երիտասարդ, հաւաքուել էին այս ծառի տակ եւ խօսում էին զանազան անցքերի վերայ: Ծերերը զիստաբարձս խօսում էին անցեալի վերայ եւ զովաբանում էին իրանց նախահոր քաղաքործութիւնները, իսկ երի-դասարանների խօսակցութիւնները առօրեայ նիւթերի վերայ էր:

Ամենատար խօսակցութեան ժամանակ, քոխվէն (տանուտէրը) հարցրեց. «տէր հայրը չեկա՞ւ», — Ո՛չ, պատասխանեցին: Նոյն րոպէին գիւղի մօտից դուրս երևեցաւ մի կապոյտ ձիաւոր, ամենի ուշը այն կողմը դարձաւ, ձիաւորը ուղիղ ծառի տակը եկաւ և զեռ ձիուց չիջած բոլորը ոտքի կանգնեցին եւ օրհնեւ տէր, կոչեցին, Աստուած օրհնի. եղաւ միաւորի պատասխանը, երիտասարդներից մէկը կոչեց բռնեց կապոյտ նժոյգի սանձը, ցած իջաւ մի միջին հասակի բութակ մարդ, որի դէմքից, փառաւոր մօրթերից երեւում էր որ նա քահանայ է. իսկ հասակը եւ իւր վերայ կրած զէնքերի բազմութիւնը կամեցանք էր տալիս մարդուն:

(Ար շարունակուել)

նրան ընկերակցում է զինվորական Պա-
տուխով, որ մի անգամ արդեն եղել է
Արարատի վերայ:

—Կ. Պոլսում, սուլթանի հովանաւո-
րութեան տակ, ինչպէս յայտնի է, մի
յանձնաժողով է կազմուած երկրաշարժից
վնասուածներին օգնելու համար: Յանձնա-
ժողովի նախագահ է Կ. Պոլսի քաղաքա-
պետ Րէզվէն-փաշան, իսկ անդամներն
են երկու պատգամաւորներ պետական
խորհրդի կողմից, երկու հոգի ֆինանս-
ների մինիստրութիւնից, մէկը արդարա-
գատութեան մինիստրութիւնից, մէկը
Կ. Պոլսի քաղաքապետութեան կողմից
մէկը Օսմանեան բանկից, մէկ ներկայա-
ցուցիչ յոյն համայնքից, մէկ ներկայա-
ցուցիչ հայ համայնքից, մէկը՝ հրէական
համայնքից: Ընդամենը 12 անդամներ:
Մինչև օգոստոսի 4-ը այդ յանձնաժողո-
վը հաւաքել է 1,992,676 պիաստր:
Զմեւեհայում, մինչև յուլիսի 27-ը ըս-
տորագրութեամբ հաւաքուել է մօտաւո-
րապէս 110,000 պիաստր: Փարիզում
հաւաքուել է 205,750 ֆրանկ: Աւստրի-
ական կայսրը 10,000 ֆրանկ է նուիրել
երկրաշարժից վնասուած անձանց
համար, որոնք բնակուած են Կ. Պոլսում:
Գերմանական կայսրը 50000 մարկ է
նուիրել յոյն նպատակով:

«Մշակ»

—«Հարկենիք» լրագրից քաղուած ենք
հետեւեալը: Իդատմ կիմանայ թէ հրէից
բարունապետի գայմագամ էֆէնտիին
կարգադրութեամբ Խապիւղի հրէից վար-
ժարանին մէջ աւանդած գտները թուը-
բերէն լեզուով պէտք է աւանդուին:

—«Նոր-Դար» լրագրից քաղուած ենք
հետեւեալը: Ս. Էջմիածնից հաղորդում
են, որ Վեհափառ Կաթողիկոսի կար-
գադրութեամբ այս տարի էլ ուսուցիչ-
ները մնում են նախկին դրութեան մէջ.
status duo-ն չէ փոխուած և նախկին
պայմաններով կարող են շարունակել ու-
սուցչական պաշտօնը: Այս մասին պաշ-
տօնական շրջաբերական է ուղարկուելու
թեմական առաջնորդներին: Եթէ մի որ
և է փոփոխութիւն տեղի ունենալու է,
այդ մասին ծանուցումն կը լինի:

—Նոյն լրագրից քաղուած ենք հետե-
ւեալը: Աւգոստոսի սահմանից մեր
թղթակիցը գրում է մեզ. —Աւգոստոսի
տանը ոկսել է զօրք վերցնել Մամանա-
նայից և Հազարայից, այդ նպատակին
հասնելու համար Մամանա և Հազարա
է եկած մէկ յանձնաժողով, որ արդէն
սկսած է 15 տարեկանից մինչև 35 տա-
րեկան մարդկանց զինագրել, Անգլիական
երկաթ ուղու գիծը հասել է Ք'րտուբ-
տան:

—«Journal des Débats»-ն ասում է,
որ ժապոնացիները պէտք է տնտեսող պա-

տերազմի պատրաստուին: Չինացիները
գերի չեն առնում, այլ ուղղակի գլխա-
տում են իրանց ձեռքն ընկած թշնա-
մուն, որովհետեւ իւրաքանչիւր զինի հա-
մար վարձատրութիւն են ստանում:
Ֆրանսիայում, օրինակ, գործը նրանք այն
դրութեան հասցրին, որ փորում էին գե-
րեզմանները և կտրում էին մեռելների
գլուխները, որպէս զի վարձատրութիւն
ստանան իրանց գեներալ- Լիու-Մին-
Չուանից, ու ներկայումս չինական զօր-
քի հրամանատարն է Կորէայում:

ՀԱՅԿԱՅԻՆ ՊԱՏԱՍԽԱՆՆԵՐ

Սալմաստ. — Լուտակ, մեզնից անկախ
պաշտօններով չենք կարող հրատարա-
կել ձեր գրուածը: Կուղարկենք ուր որ
հարկն է ի հրատարակութեան:

Արտաբիւ. — Մարգարէ, կարգացէք
վերևի պատասխանը:

***Մ. — Թշուառ մշցի, երկրորդ մասը
ստացանք, շարունակութիւնը ամբողջա-
պէս ուղարկեցէք:

Թէհրան. — Յ. Բ. ձեր յօդուածը
բաւականին լաւ էր, որովհետեւ այդ նիւ-
թի վերայ բաւականին խօսուել է, նորա
կրկնութիւնը անախորժ կը լինէր:

Արտօնատէր — Հրատարակիչ

ԱՆԿՐԷՒՄ ԲԷՆԵՔԱՐԵԱՆՆԵՐ

ՅԱՅՏԱՐԱՐՈՒԹԻՒՆՆԵՐ

Սոյն...94 րուից Դավ-
մեժում կազմուած է «Հն-
քերցասիրաց» գրադարա-
նական ընկերութիւն, որի
նպատակն է ժողովրդական
գրադարաններ բանալ Ա-
տրպատականում: Ընկե-
րութիւնը ստրանով դիմում
է յարգելի հեղինակներին,
հրատարակիչներին եւ նի-
րատուներին, որ բարեհա-
մաճեն յօգուա ընկերու-
թեան դրուելիք նիւթական
եւ այլ նուէրներն ուղարկել
«Շախիդ» իւնքագրու-
թեան:

Դապրէժում մեր հասցէն է՝

«Ընթերցասիրաց» գրադարանական ընկե-
րութիւն. Société de la Bibliothèque
des Amis des lettres՝ Tauris (Perse)

Փնտռում է իւր եղբոր
կողմից մահտեսի Դաւիթ
Պետրոս Աղեքսանդրեանը
որ մի սրտնեղութեան պատ-
ճառով քողել հեռացել է իւր
տնից Բաղդադից եւս ան-
յայտացել: Եւ տեսնուել է
Բասրայ, Բոմբէյ, Կաշկա-
քայ եւ վերջում Քիրաշի,
որ տեղից մեկնել է Պասը-
կաստան գալու համար:
Խնդրում է Պարսկաստա-
նայ որ քաղաքում կամալ-
չուր ով պատահել կամ կը
պատահէ նրան, հաղորդէ
իւնքագրութեան

Չեղևոտու արժեքներով
պատրաստ եմ գնելու ՊԱՐ-
ՍԻՑ կամ ԵՒՐՈՊԱԿԱՆ
ՀԻՆ, ՆՈՐ ՆԱՄԱԿԱ-
ԴՐՈՇՄՆԵՐ: Խնդրում
է վաճառողներից ուղար-
կել իւրեանց ՆԱՐՅՇՆԵ-
ՐԸ վերջնական արժեքը
յայտնելով: Պատասխո-
ւածները ընդունելի չեն:
Դիմել Հրանտ Յ. Մարմեան, Դապրէժ

Ամեն տեսակ եւրոպա-
կան ձարեր կը գտնուին
թիշկ ԲԱԶԻԼԻ դեղատը-
նումը Լալեգար փողոցում
Թեհրանում. տասն քումա-
յաչափ եւ աւելի գնողի հա-
մար, սովորական արժեքից
զիջում կը լինի: Գիշեր ժա-
մյուսկում եւս դեղատոնը
բացէ: